

Language No need to revive Canaanite

"أغلب سكان المنطقة لغاتهم تنحدر من العربية كالعبرية على سبيل المثال"

تحياتي يا آدمي!

انا بشرفني حاور شخص عم يجرب يوصل للحقيقة.

العربية كما العبرية تتحدران من الكنعانية القديمة (ما قبل ١٢٠٠ ق م). هذا ما ثبتته المعاهد اللغوية في العالم. وهذا يتماشى مع التاريخ العلمي وبعض المؤرخين (وليس تاريخ المؤرخين عل عمياني). واللبناني لهجي كنعاني. استعمال العربية الفصحى مثل استعمال السرياني الفصحى من قبل الموارنة سابقاً. اللباني مش سرياني دارج ولا عربي دارج. قواعدو اللغويي كنعاني.

"في معجم اللغة الكنعانية؟ هل هناك ناس تتكلم اللغة الكنعانية وعلماء لغة كنعانية قادرين على إحياء اللغة الكنعانية كما تم إحياء العبرية القديمة؟"

الكنعانية القديمة ما قبل عام ١٢٠٠ ق.م. فيا حوالي ٣٠٠٠ كلمة (يمكن معجم أو غاريت لحالو فيو ٢٠٠٠، مني عadden بس تقريباً). ما تنسى إنو بلبنان في تعميم ممنهج منذ الاستقلال عالموضوع لدواعي سياسية. بالتالي ما في معجم رسمي للغتنا المحكية مثل ما بنتخايلو، بس في معجم ب ٧٠٠٠ صفحة بمجهود شخصي لأنو هو عبارة عن موسوعة إضافة إلى كونه معجم.

بالنسبة لسؤالك "هل هناك ناس تتكلم اللغة الكنعانية"، انت ما انتبهت لمن قلتلك إنو "اللبناني هو كنعاني" (هو لهجي لأنو السوري والفلسطيني كمان لهجات كنعانية). العربي المحكي الحقيقي هو بالرياض وشرق الأردن وباقي البادية والخليج. من هونيك استقى علماء اللغة العربية بالكوفة والبصرة (الفرايدي، سيباويه، الكسائي، الدولي...) المفردات والعبارات: من شعراء البادية. (والعراقي أكدي، والمصري قبطي؛ طبعاً في شي مشترك بين لغات المنطقة منذ ٥٠٠٠ سنة وجايي إضافة إلى تأثير للعربية الفصحى المستعملة منذ الإسلام). ومشان هيك منفهم شوي علين بس ما فينا نمسك حديث كرج. بالتالي إنت بتحكي كنعاني. وتعلمت بالمدرسة "العربية الفصحى". ما حدا بحاجة لإحياء اللغة الكنعانية، هي هون. ممكن تعليم الكنعاني القديم مثل ما ممكن تتعلم إنكليزي قديم لتفهم شايكسير.

اليهود انجبروا من أيام البابليين (٥٩٠ ق.م.) يحكوا كنعاني (يلي صار اسمو آرامي من ورا اليهود) لكن كان يحقّلن يستعملو العبراني للدين. مشان هيك العبراني ما اختفى، بس صحيح بقي ع شكلوا القديم لحد عام ١٩٤٨، فعملولو نفضة ليصير عصري.